

最早之埃及、巴比倫、亞述、及赫族、均爲波斯領土之一部。其疆域西極多腦河、北與塞種爲隣、東與印度相接。而雄才大略之大流士、復轉兵北征、與塞種人戰於多腦河岸。戰雖不勝、而東西民族因此而受一極大之衝動、此在世界史上可注意之事也。蓋塞種原爲黑海沿岸之遊牧民族、後漸次東展、向裏海阿拉海之北岸漫延。自經此次戰爭之後、

又分爲兩支移徙。一支向東徙、沿伊犁河山谷、以入新疆。一支向南徙、沿阿母河以至大夏。

此據法國伯希和 (P. Pelliot) 教授對余所云、除南徙

之一支、俟另文論述外。其東徙之一支、究在何時入新爲一問題、但按中國傳記所述、亦有可資參考者。漢書西域傳云、烏孫本塞地、大月氏西破走塞王、塞王南越懸度、大月氏居其地。又稱烏孫東與匈奴、西北與康居、西與大宛、南與城郭諸國相接。是時匈奴約在今之新疆東部、奇台、阿爾泰一帶。大宛卽今浩罕一帶。康居在北、約在今巴爾喀什湖西北之荒原、錫爾河沿岸、今爲可薩克地。所謂城郭諸國、卽今天山南路諸地也。漢書旣云烏孫本塞地。則塞種人是時佔有巴爾喀什湖已東、沿伊犁河、及特克斯河諸山谷、東展至新疆中部、如綏來以西、焉耆以北、皆爲其領域。及大

月氏受匈奴威逼西奔、塞種人遂南徙。

此支係由天山向西南徙、疑與由沿阿母河南徙之一支不同

大月氏復追踵而南、烏孫遂居其故地。烏孫遷徙之年

代、雖史無明文。但大月氏西奔、爲漢文帝四年、卽西紀前一七六年。則烏孫之據其故地、必在是時。據上所述、是塞種人之東移、必在西紀前五二一年已後、一七六年前、考之史傳、可以信其然也。至於因塞種人之移徙、其所附帶之